

**Drugi sastanak ekspertne grupe “Privredni podsticaj”  
subota, 13. maj, 2017.  
9:30 – 13:00 h, Bern**

U subotu, 13. maja 2017. godine održan je drugi sastanak ekspertne grupe sa fokusom na privredni razvoj, koji je organiziran sa strane udruženja i-dijaspора u okviru inicijative «i-platform» – Dijaspора za razvoj Bosne i Hercegovine».

Sastanku su prisustvovalo 24 članova 3 podgrupe, u kojim aktivno učestvuje i ambasador Bosne i Hercegovine u Švicarskoj, Nj. E. Anđelko Grahovac. Ciljevi drugog sastanaka ekspertne grupe bili su:

1. prezentacija dosadašnjeg rada ekspertnih podgrupa
2. definiranje daljnjih koraka, uključujući organizaciju planiranih aktivnosti u okviru ekspertne grupe do kraja 2017. godine.

**Pregled dosadašnjeg rada ekspertnih podgrupa: (1) Ekonomski sajam/forum, (2) Investicije i (3) Projekti/inicijative –turizam**

Nakon pozdravnog govora od strane člana predsjedništva udruženja i-dijaspора, Jasmine Opardija-Šušnjar, uslijedilo je predstavljanja učesnika, obzirom da je i ovaj put grupa postala bogatija za nekoliko novih članova.

Uslijedile su kratke prezentacije od strane članova podgrupa:

- Amel Šiljak - Ekonomski sajam/forum -
- Benjamin Sahinagić - Investicije, i
- Adnan Bašić - Projekti/inicijative

Predstavljeni su ciljevi i rezultati dosadašnjeg rada kao i procjena sredstava potrebnih za ostvarivanje zacrtanih ciljeva.

**Osvrt na koncept i-platforme i eventualna prilagođavanja projektnih ciljeva ekspertnih podgrupa**

U drugom dijelu sastanka napravljen je osvrt na koncept i-platforme. Nakon čega su članovi nastavili planiranje sljedećih koraka po podgrupama. Unutar grupa učesnici su imali zadatak da naprave prijedlog zahtjeva sa konkretnim ciljevima, partnerima, planom kao i finansijskim okvirom koji bi se u uputio na razmatranje UO i-dijaspore.

**Podgrupa: Ekonomski sajam/forum**

Ključno pitanje unutar podgrupe sajam/forum bilo je da li želimo organizovati forum ili sajam u 2017. godini? Grupa bila je jedinstvenog mišljenja da forum i sajam treba organizovati zajedno, jer forum bez sajma ne bi imao smisla. Nas fokus treba da bude praksa a ne samo teorija. Kroz sajam bi sajam ponudila prilika da se određeni proizvodi prezentiraju na licu mjesta.

Opšti cilj sajma/foruma je prezentacija BiH i izgradnja povjerenja između BiH i Švicarske tako što će se promovirati kvalitetni, postojeći proizvodi kao i potencijali BiH za investiranje.

Sajam ne bi bio vezan samo za jednu branšu nego za više njih: **drvena, prehrambenu, metalnu industriju, turizam kao i IT-sektor.**

Za financiranje sajma/foruma potrebno je približno Sfr. 70'000.-

Od ovog iznosa zamisao je da se:

- Sfr. 25'000 – 30'000 (70 štandova, cijena štanda Sfr. 500.-) osvari kroz plaćanje učesnika,
- Sfr. 30'000.- od strane i-dijaspore i
- Sfr. 10'000.- do Sfr. 15.000.-od strane Ministarstva vanjskih poslova BiH (preko ambasade BiH u Bern-u).

Nositelj organizacije sajma je i-dijaspora u saradnji sa Ambasadom BiH u Švicarskoj i ekspertnim grupama te njihovim firmama i sponzorima.

Vezano za potencijalne firme koje bi učestvovala na sajmu, fokus leži na **malim i srednjim preduzećima** iz BiH. Lista listu sa konkretnim firmama koju bi bile spremne doći na sajam se nalazi se u izradi.

Kao moguće mjesto održavanja na raspolaganju stoji Stadthalle Bülach 10./11. novembra ove godine 2017.god. Stadthalle Bülach ima kapacitete potrebne za sajam i foruma na jednom mjestu. Osim toga odličan položaj, jer veoma je blizu aerodroma Kloten i autoputa.

Grupa je bila mišljenja da sajam/forum treba po mogućnosti organizovati u ovoj godine, iako za organizaciju sajma/forum u novembru imamo samo par mjeseci na raspolaganju. U slučaju da nemamo dovoljno vremena termin za organizaciju sajma/foruma bi se mogao pomjeriti najkasnije do februara naredne godine.

### Podgrupa: Investicije

U svom konceptu podgrupa «Investicije» definisala je tri cilja koje želi realizirati.

Jedan od ciljeva je **sakupljanje informacija o postojećim fondovima, kreditima i fondacijama u Švicarskoj i BiH.** Ove informacije će stajati na raspolaganju dijaspori u Švicarskoj ali i ostalim poduzetnicima u Švicarskoj i BiH koji žele da investiraju u BiH. Veći dio ovih informacija već je skupljen i u svrhu toga sastavljena je jedna lista sa fondovima, kreditima i fondacijama.

U sljedećim planiranim koracima su obrada podataka i predstavljanje podataka u adekvatnom obliku na stranici i-platform, te prezentiranje istih u okviru štanda na sajmu/forum ove godine.

Drugi cilj podgrupe bi bio **uspostavljanje bliže saradnje i komunikacije sa institucijama kao što su SECO i ambasada CH u BiH,** kako bi se prodiskutovali načini na koje i-dijaspora može konkretnije i efektivnije doprinijeti njihovom radu u BiH, i eventualno doprinijeti donošenju odluka unutar DEZA Strategije 2017-2020. god.

Treći cilj grupe bio je iniciranje pilot projekta: **Laboratorij za certificiranje hrane (Cazin, Travnik)** u okviru jedne NGO. Ideja je da se educira određeni kadar koji bi mogao preuzeti certificiranje hrane i obučavanje drugih kadrova.

### Podgrupa: Projekti/inicijative i turizam

Radna grupa Projekti/inicijative- turizam je promjenila ime u samo Projekti/inicijative. Zamisao je da se u okviru ove podgrupe realiziraju sljedeće inicijative i projekti:

- 1) **Izrada Info baze** koja će do septembra 2017. biti objavljena u okviru stranice i-platform. Cilj je **olakšati potencijalnim ulagačima pristup informacijama** o potrebama švicarskog i bh. tržišta te standardima za izvoz, uvoz i uspješnu saradnju. Ova sekcija bi uključivala FAQ (frequently asked questions) dio, obzirom da se neka pitanja stalno ponavljaju. Na Info bazi će raditi Adnan, Vernesa Bašić, Ademir. Kao prvi korak je planirano objavljivanje **Online ankete** o potrebama, temama i interesima. U ovom dijelu stranice se mogu objaviti i profili eksperata koji žele služiti kao resursne osobe za dodatna pitanja u njihovim oblastima a koji su već članovi ekspernih grupa. Rezultati ove grupe bi bili predstavljeni i na posebnom **štanu na Sajmu i Panel o potencijalima turizma u okviru Sajma ili Foruma**.
- 2) U okviru druge projektne ideje predstavljen je pilot projekat **Dualno obrazovanje na razini visokog obrazovanja u oblasti tehnološki dizajn**. Sanje Catineo koji bi željela implementirati u saradnji sa Univerzitetima u Banja Luci i Zenici. Za početak je dogovoreno da će putem i-plaforme uspostaviti prve kontakte u Švicarskoj, kao što je Berner Fachhochschule.
- 3) **Turizam**: Grupa je zaključila da je ovo veoma relevantan sektor i da ovu temu ipak treba nastaviti tretirati. Posebno interesantnim se čini **zdravstveni turizam**, gdje je kao prvi korak dogovoreno povezivanje sa projektom Market Makers. Veliki potencijal se vidi također u **prenošenju u uvođenju standarda kvaliteta** od Švicarskih turističkih aktera prema BiH, posebno u zimskim sportovima i planinarenju. U ranijem radu podgrupe diskutirani su i potencijali religijskog turizma.

Nakon intenzivne diskusije u podgrupama sa fokusom na ciljeve rada kao i definiranje sljedećih koraka, svaka grupa je u plenumu predstavila glavne zaključke njihove diskusije kao i sljedeće korake budućeg rada.

- ⇒ Dogovoreno je da **najkasnije do 5. juna** svaka podgrupa dostavi prijedlog inicijative koju bi trebalo implementirati u sljedećih 12 mjeseci. Prijedlog ne treba biti duži od 3 stranice, a potrebno je uključiti sljedeće elemente:
- **Ciljevi**
  - **Partneri (ko preuzima koju ulogu)**
  - **Plan aktivnosti**
  - **Budžetski okvir i mogući partneri u finasiranju**

Koordinatori koji trebaju dostaviti prijedloge:  
Adnan Bašić, Amel Šiljak, Benjamin Sahinagić

## Termini

---

### Sljedeći sastanak ekspertne grupe za privredni podsticaj:

**Subota, 23. septembar 2017. godine**  
**09.30 – 13.00h, u Bernu**

Pozivnica kao i program i daljnje informacije biti će dostavljeni putem e-mail-a krajem augusta 2017. godine.